

л. 13

В о и т

Мы числа богов наших имамы премного,
 Но силы в них знаем из (их?) незнаем.
 От тебе учения усердно желаем.

Д и м и т р и й

Народе, аще хочеш душу свою спасти,
 Через тех богов не внити в вечные напасти,
 Обратетесь к богу вечному моему,
 Всяк чрез мя совет да даст разуму своему,
 Что богов изваянных всуе почитати,
 Что от бога истинна сердце отвращати.

В о и т

Рцы же, нам твоя вера что пооществует,
 В чом кому помогала и днесь пооществует.

л. 13 об.

Д и м и т р и й

Уповаемых вера есть извещение
 И вещей невидимых есть обличение,
 Яже ныне веруем, та и впредь улучим,
 Верою, аще богу весма себе вручим,
 Верою даде Авель великую жертву,
 И Каинном дадеся в смерть себе не мертву,
 Верою Еноху бысть не видети смерти.
 По вере бог не даде в то время умерти,
 Верою от ветр Ное спасен, в бога приме,
 В ковчезе спасения тому не отъиме,
 По вере Авраама имех быть сын закланный,
 Верою того народ есть обетованный,
 Верою Авраама и Сарра неплодна
 Сотворися, да будет славно чадородна.
 Через веру Иосию царь страшный не явися,
 Зане к царю небесному сердцем прилеписа,
 Верою и Израиль преиде Чермное море,
 Сотвори Фараону, да вопиет: горе,
 Много есть глаголати в верном Гедоне
 И много повествовать о силном Сампсоне,
 Тии полки прогнаша, царствия победиша,
 Зане сы помощника бога получиша.
 Вера Даниила уст лвовых не боится,
 Заграждает аще который ярится.
 В вере велию силу получиша мнози,
 Иже той прилеплены по истинном бозе,
 Той нас и весь мир созда, тем есмы спасенныи,
 Что убо ко идолом есма прилепленныи.
 Станте купно со мною до земли падемо,
 Богу вся сотворшему почестъ воздадемо,
 Аще се сотворите, друг мне всякий буде,
 Прочии то творяще будут бога люде.

С о л у н я н е

Соизволяем мы все советом ти честным
 И облобызаем та сердцем ти нелестным.